



■兩人日前出席無綫頒獎禮，最擔心BB肚餓。



懷孕超過5個月的黃翠如昨日與老公蕭正楠一齊出席活動，夫妻檔搵真銀！翠如笑言最近經常與老公商量BB的名字，踢爆老公竟然想將BB改名做蕭又燒、蕭雞翼同蕭賣等，非常搞笑！

翠如體重急升 唔敢上磅 蕭正楠幫BB改名 擬叫蕭雞翼



■翠如穿高跟鞋上陣，蕭正楠全程傍實。

蕭正楠與太太黃翠如昨日到大埔出席賀年活動，當兩人寫許願卡，翠如寫上「生B順利」，蕭正楠則寫「出入平安」。蕭正楠表示每晚都會幫太太吹頭，問到是否已幫BB改名？翠如笑言：「老公偏向食物方面改名，例如蕭又燒、蕭雞翼同蕭賣等；我就診過叫蕭吉祥、蕭喜慶、蕭健康。」

好有意義，所以都想將呢首歌畀BB聽。」他又稱暫時放棄了足球：「因為太太依家唔出街，所以我最近都有踢波陪太太，不過我都係自己停，因為一踢波我就好投入，佢唔想我受傷，因為我受傷過無數次！」

醫生建議開刀生B

翠如表示懷孕後增磅不少，現時都不敢磅重：「試過食完一餐重咗一公斤，依家平均每星期最少都重1.5公斤。」她指BB似自己與老公小時候一樣頭大，故醫生建議開刀：「雖然擇日子，但都要睇BB Size再決定時間。」問到生完會否立即追多個？她說：「我唔貪心，有呢個禮物已經感恩同滿足。我佢B會上癮，見佢睇我肚度都好開心。」她又自爆早前首次做孕婦

按摩：「可能我趴低嗰陣BB反轉咗，所以反應好大，最後我都係打側馴。」蕭正楠稱翠如為了BB犧牲很多，因她以前是「骨精」，現在不能經常按摩。

提到兩人在《萬千星輝頒獎禮2024》「最佳男、女配角」大熱倒灶，不少內地和香港的網民都瘋狂「洗版」指賽果不公平，蕭正楠說：「我係合約藝人，唔會唔開心。（失望？）冇負面情緒亦都唔失望，因為去到後台好多同事都話投咗我票，得到好多關愛，有同事仲攞住我喊，好多謝大家，有你哋嘅愛已經好好。」翠如亦稱：「同事之間嘅愛錫係好重要。」蕭正楠承諾日後會繼續努力：「當晚最驚係餓親BB，因為好忙，冇時間食嘢。」

■姚焯菲人氣勁，工作不斷。

姚焯菲 唔覺取代炎明熹

「聲夢小花」姚焯菲(Chantel)昨日到銅鑼灣出席活動，現場播放由她聲演的全新宣傳廣告影片，吸引大批粉絲撐場。首次為廣告聲演的Chantel自言不是專業，有一定難度：「開心嘅情緒表達會好啱，唔開心嘅情緒會難啱。」談到好友炎明熹受續約風波影響，幕前工作近乎零，相反Chantel工作不斷，問到覺不覺取代了炎明熹的工作？她坦言不覺得：「大家有唔同工作，相信公司都有最好安排，所以唔會係代替咗佢，我都有問候佢，因為掛住佢。」



■伍珂玥樣子甜美，名副其實人靚聲甜。

伍珂玥進軍香港樂壇

曾獲《2021中國好聲音》總冠軍的伍珂玥，2025年剛至便推出全新廣東歌《別問深秋》進軍香港樂壇！歌曲包含現代港式流行曲的元素，亦重現35年前葉蒨文《秋去秋來》那種情景交融、詩情畫意的味道。珂玥表示：「《別問深秋》是關於失落與告別的歌，歌詞充滿對美好時光的懷念與離別的無奈，以『深秋』象徵愛情的冷卻與漸行漸遠……」她續說：「我覺得要唱好廣東歌，除了要咬字好、感情充足外，更要唱出地道感覺，才能引起聽眾共鳴。」

志偉否認賽果內定 遵從民意絕對公正

無綫總經理（節目內容營運）曾志偉、汪明荃與胡楓等昨日錄影賀年節目《乙巳年吉星高照年初一》，提到《萬千星輝頒獎禮2024》無綫總經理（節目內容營運）曾志偉表示沒有一個賽果會令所有人滿意，但強調今次賽果公正，完全遵從觀眾及同事的投票結果。

今屆完全公正，公司冇秘密。以往會俾人覺得係內定賽果，當中存在『續約傾條件』！依家唔使講條件，每一位都係憑實力，希望呢件事令每一位藝人、每個擺到獎嘅人都似『金像獎』一樣係實至名歸。（藝人講條件續約係咪存在？）以往一直有，依家唔係冇得傾，但我同你講都有用，因為評審制度決定嘅觀眾手上，倒不如（藝人）花心思同同事相處得更好，同觀眾建立良好關係，等佢哋投自己一票。」

志偉表示當晚見很多同事、藝人聽到賽果即哭出來：「因為大家覺得『舊規則以前公司唔會畀（獎）我』，或者係年紀大由年輕人頂上。我可以同大家講，



■曾志偉與汪明荃打扮紅噹噹錄影賀年節目。